

'Marsman' klim uit sy 'VVV', plaasvrou ruk knipmes uit en sê skoert

EARL RYAN COETZEE
Ventersdorp

'N Harige "Marsmannetjie" het hom gisteroggend lelik misgis toe hy gedink het hy kan 'n vrou van Ventersdorp skrikmaak.

Dit was nadat sy "vreemde vlieënde voorwerp" (VVV) talre nuuskieriges na die plaas Dawnhill van mnr. Okker Yssel net buite Ventersdorp gelok het.

Die VVV het al van vroegoggend plaaswerkers en boere van

die omgewing gelok.

Wat hulle nie gewet het nie, is dat dit deel is van 'n *candid camera*-fliek en die polisie en nuuskameras was almal betrokke by die poets.

Soos gewoonlik kon sommige nie hul nuuskierigheid bedwing nie en het besluit om 'n bietjie nader ondersoek in te stel. Dis toe die pret begin het.

Skielik het rook en stoom by die tuig begin uitborrel wat van die mans laat spaander het.

Maar me. Antionet Leonard, wat op die plaas werk, en nog 'n paar nuuskieriges kon nie skrik-

gemaak word nie.

Toe die deur oopgaan en 'n aapagtige mannetjie in 'n silwer jas uitstap, het die boere hul hakske- ne gewys.

Toe was dit net Leonard en haar knipmes wat kon keer dat die aap en sy soort die aarde binneval.

"Klim terug in jou skip en gee pad van ons plaas af, jy hoort nie hier nie!" het sy hom toegesnou.

Hy het byna 'n paar steekwonde opgedoen, maar gelukkig kon die akteur sy masker betyds afkry om te wys hy is mens, net soos sy.

Dié toneel is deel van André Scholtz, die man agter verskeie van Leon Schuster se *candid camera*-poetse, se nuwe fliek, *Skellims*. Drie akteurs reis hiervoor die land plat en vang mense met hul versteekte kameras uit.

Die fliek sal na verwagting teen die middel van volgende jaar in teaters te sien wees.

Leonard het agterna baie lekker gelag en kon nie glo dat hulle haar so geflous het nie.

"Ek het gewonder hoe so iets waar kan wees, en hoe kom hulle by Ventersdorp van alle plekke uit," het sy laggend gesê.

RAPPORT, 16 NOVEMBER 2008

RAPPORT, 16 NOVEMBER 20

'n Vlieënde piering op die plaas van mnr. Okker Yssel het groot belangstelling van werkers en boere in die Ventersdorp-omgewing ontlok. Hier hardloop 'n paar nuuskieriges weg toe die voorwerp 'n geluid maak en stoom blaas, onbewus daarvan dat dit deel is van 'n fliek met steeltonele.



Me. Antionet Leonard val die "vreemde wese" wat uit die vlieënde piering kom met haar mes aan. Dit was so amper of Kevin Ehrenreich, wat die rol van die Marsmannetjie gespeel het, was in die hospitaal. Gelukkig kon hy sy masker betyds afkry.

Foto's: DEAN VIVIER